

**Incuntada de oraziun sò Oies** en domënia, ai 2 de jügn, dales 15.00 - 18.00: Corona, esposiziun eucaristica, mëssa, testimonianza de Giorgio y Cristina Epicoco da Perugia sön la vita matrimoniala, conclujiun y afidamënt a Santa Maria.

**Pelegrinaie di vëdui/vëdues y porsones sores** a *Unsere Frau de Karthaus* en jöbia ai 6 de jügn. Cost dl iade y marëna 50 € y präibel prenotesse al nr. 0474/590069. An peia ia da Pedraces dales 07:40.



En mercui, ai 05.06.2019 complësc **Paola Piccolruaz** de Alfarëi **93** agn y en vëndres, ai 07.06.2019 **Berta Lanzarini Clement** da La Müda **86** agn. Le Senioreclub y düta la Comunité ti aoda a trames dües düte le bun, sanité y benedisciun de Dî.

**Oies:** Pater Franz präia dër bel chi che pó ( ince magari val ël ) a gni le mertesc ai 11 de jügn a puzenë la dljia da Oies.

**La Scora de musiga** inviëia dër bel düc al **concert de conclujiun** en lönesc ai 3 de jügn dales 18:00 a Al Plan tl saif dles manifestaziuns.


**Conzert de onoraziun:** la Seziun cors de dljia tl'EPL-Ert por i Ladins inviëia ala festa de onoraziun de Felix Dapoz y Lois Ellecosta cun cater cors dla Val Badia (Cor Raiëta da La Val, i Cors de Dlijia da La Val, d'La Pli y da S. Martin), en domënia, ai 2 de jügn 2019, dales 16:00 a La Val.

**Conzert "Corusc dla Vita":** le cor Cantus Iuvenis ciantarä te dljia de Al Plan sot ala bachëta de André Compoj ai 09 de jügn dales 19:30.

**Serada informativa cun la MIP – Männerinitiative Pustertal** en mercui ai 5 de jügn dales 20.00 te Raiun Sozial a Picolin „*Reden wir miteinander, wir finden einen Weg!*“

**La biblioteca Sas dla Cruc** inviëia düc te biblioteca a Badia ai „*Amisc dles erbes s'incunta – imparun a conësce n valgünes erbes*“ en jöbia ai 6 de jügn dales 20:00.

**Jun a pe cun le KVV:** inviun düc en mercui, ai 5 de jügn ala gita da *Vöran al Knottnkino*. Piun ia dales 07:30 y prenotesse pro Iaco al nr. 0471/839772 o 339 6257779.




# Plata dla Ploania Badia

San Iaco - San Linert

Ploan: **Siur Iaco Wendelin Willeit**  
Calonia Badia: **0471/839571**  
E-Mail: **parrocchiabadia@libero.it**  
Radio dla Ploania: **91,10 Mhz**

UNITÉ PASTORALA



[www.unitepastorala.org](http://www.unitepastorala.org)

Ann „C“

02.06. – 09.06.2019

Festa dl'Assënza

n. 27

*Ïö sun cun os  
düc i dis cina  
ala fin dl  
monn*



## Vangele dla domënia che vëgn - Festa de Pasca de Ma

Jan 14,15-16.23b-26

Te chël tëm p á Gejú dit a sü discepu: Canch'al vëgn le paraclët, ch'i ves mëni dal Pere infora, le Spirit dla verité che provëgn dal Pere, dailó daräl jö testimonianza por me. Y ince os desses dé jö testimonianza, deach'i sëis dal scomenciamënt incä pro me. I á ciamó tröp da ves dí mo sëgn ne sëise nia bugn da portä na te' ciaria.

Mo canch'al vëgn ël, le Spirit dla verité, ves condejaral ite te döta la verité. Deach'al ne bai-arä nia fora de se instës, mo al dijarä ci che ël alda, y ves incundará ci che gnará. Ël me glorificarä, deach'al tolarä de ci che é mi y ves l'incundará. Döt, ci che le Pere á, é mi; porchël äi dit: Al tol de ci che é mi y ves l'incundará.

# FUNZIUNS SACRES

## 02.06. FESTA dl'ASSËNZA – Ann C

10.00 **Mëssa por la Comunità**

†to Sepl Tavella

†ti Tone y Agnes Irsara

15.00 *Zelebrazion dl Bato*

18.00 †to Otto Clement - aniversar  
por fam. Bertoldi en rengraz.

## 04.06. Mertesc

19.30 †to Paulin Irsara

†to Georg Schmid

†ta Waltraud Pizzinini

## 05.06. Mercui - *Mëssa cun i scolars dla elementara*

07.30 †ta Candida Castlunger

†ti Florino y Rosina Tavella

por fam. Tone y Hildegard Tavella

## 06.06. Jöbia

19.30 Zelebrazion dla Parora

## 07.06. Vëndres - **Prüm Vëndres dl meis**

07.30 †to Marco Gabrieli

†ti Giovanni Campei y Lola Ambrosino  
por les animes dl purgatore

## 08.06. Sabeda

07.30 **Traslaziun de "Chëlbeldî da La Crusc" sô La Crusc**

09.30 Mëssa sô La Crusc

vis y †ti da Castalta

por fam. Guido y Gilia Tavella en rengraz.

16.00 Mëssa a Oies

## 09.06. FESTA de PASCA de MA

08.00 Esposiziun dl Santiscimo

*Scomenciamënt dles ores de adoraziun*

10.00 **Mëssa solena en onur dl Spirit Sant**

†ti Anvidalfarei de Piz

por fam. Tone y Clara Anvidalfarei en rengraz.

por fam. Nando y Maria Irsara

15.00 **Ora de adoraziun por duc**

†to Paul Adang

†to Michele Crepaz

# Dala VITA dla CÛRA

## PASCA de MA 2019

### Ores de adoraziun

08 – 09 Pedrases – Sompunt – Paracia – Ciaminades – Damez  
09 – 10 Fisti – Larcenëi - Craciurara – Reslada – Castalta – Adan  
Pescolderunch – Peslalz – Pescol – Crafunara – Val

**10** **Mëssa Grana**

11 – 12 San Linert

**15** **Ora de adoraziun por duc**


16 – 17 Ruac – Alfarëi – Pransarores – Rainé – Cianacëi – Oies –  
Frëinademéz – Anví – Sotró – Jusciara – Runch – Parüs –  
Puntac – Sotgherdëna

17 – 18 Costa – Corcela – Sotciastel – Grones – Piz – Valgiarëi –  
Col d'Anví – Andrac – Cialaruns

**Conclujiun y benedisciun**

**18** **S. Mëssa**

Chësta domënia, ai 02.06.2019 ciafa le Sacramënt dl **BATO** i mituns:



**Niklas** de Stefan Valentin y Barbara Verginer

**Raffael** de Bernhard Neulichedl y Karin Costamoling

**Leonardo** de Lorenzo Simonini y Angelica Delmonego.

Ai pici che tolun sô te nosta comunité y a sù geniturs les mius audanzas.

**Recordun che la proscima Zelebrazion dl Bato sará ai 30 jügn 2019.**



**Traslaziun de Chëlbeldî da La Crusc:** en sabeda, ai 8 de jügn gnarál porté sô la statua de Chëlbeldî. Piun ia da S. Linert dales 07:30 y dales 09:30 sarál la S. Mëssa sô La Crusc.

**Comuniun ai amará:** siur Degan jará en vëndres ai 7 de jügn dales 09:30 inant a proveder.

**Oies:** en vëndres, ai 07 de jügn dales 16:30 ales 18:00 éle ocasiun da se **confessé** cun siur Heinrich Ellecosta.

**Referat cun siur Sepl Granruaz:** le Consëi de Cûra inviëia al referat dla *parabola dles jones dejacortes* en vëndres, ai 7 de jügn dales 20:00 te Ciasa Runcher.